

隨

園

全

集

詩

集

小倉山房詩集卷三十一

乙巳丙午

錢唐袁枚子才

乙巳元旦舟中與霞裳聯句

舟中度元日江上領春風宿雨猶霑樹

袁

朝陽乍出宮喜無賀歲事

劉

轉有賦詩功家近心

尤急

袁

天遙霧正濛開窗迎紫氣

劉

解纜促篙工寸步行皆喜

袁

千山看未終醉人眠舵側

劉

爆竹響波中吉語時聞耳

袁

祥飈替轉篷遠村梅蕊白

劉

隣舫鬢花紅伐鼓兒童競敲

棋師弟同紀年更甲乙

劉

認水辨西東想見深閨裏金錢卜幾通

袁

新正十一日還山

自覺山人膽足夸行年七十走天涯公然一萬三千里聽水聽風笑到家

迎門兒女慶

團圓隣里爭當遠客看不是桃源真福地如何雞犬盡平安

香雪階前撲面飛喜從香

裏解征衣老妻指向諸姬笑不爲梅花尙不歸

一雙孔雀艷歸裝惹得傾城士女狂爲

要誘他開翠尾麗人來往盡濃妝

賓客連宵坐滿庭問山問海問花名急抄詩與諸公

讀省得衰翁說不清

重理殘書喜不支一言擬告世人知莫嫌海角天涯遠但肯搖鞭

有到時

七十生日作

士龍百年歌七十始長歎可知上壽難古人見詞翰我今危得之自取平生按解龜四十年
著述百餘卷多少顯榮人隨風作雲散而我獨迢然青蓮留一瓣愛惜一山雲不肯三公換
悟徹萬緣空不屑空門竄食不喜重味而恰精肴饌氣不識金銀而亦多清玩心安身卽行

陰陽非所憚理足口卽言往往翻前案樂自尋孔顏學不拘宋漢新從兩粵歸萬里江山看攬揆三月天滿園春色爛偕老妻尙存遲生兒亦非奚僮蒼頭多諸姬白髮半開池成巨波種松成古幹弟子來英英老夫時灌灌夷甫尙鮮明韓嬰頗精悍雖乏李清繩遽把仙凡判且學魯季孫六櫃東門辦住隨白日留去憑天公喚詩成鳥共吟酒到花能勸忘老當作孩視昏猶若旦厭聽麥邱祝自作東方贊

不染鬚

留鬚鑷鬚染鬚都有詩四十年來能幾時今年七十染不必一白而已鬚事畢記得當初未有渠意氣凌雲渺八區一回吟詠一回老不惱韶光只惱鬚我旣不能諱老求官祿又復不能煖老求燕玉有如孀婦此心灰永不妝臺理膏沐人言本色是英雄我恰掀髯笑未終二十一科黃榜客捫心可是白頭翁莫嫌老去人無用有

原缺

戲夢樓

夢樓見佛不見我一望蒲團頭欲墮鄙人見我不見佛行遍香臺不作揖君不必爭佛有我不必爭佛無只問此中方寸意何如請看世上尊官貴人亦儘有我果無所求則亦視有如無免應酬

遣懷雜詩

一笑老如此作何消遣之思量無別法惟有多吟詩譬如將眠蠶尙有未盡絲何不快傾吐一使千秋知 早貴如早起所見人事多早退如早眠心神常安和吾生有幸熊魚竟

兼兩每聞宦海波設想吾其倘雨脚三月斷火龍當空蟠偶有一片雲狂風驅還山老人苦

炎炁風前將書攤磨墨如車水隨車隨時乾筆燥觸紙響何能生文瀾硯田尙如此農田更可嘆願揮渾身汗當作時雨頒 萬物蟄於冬而我蟄於夏赤帝一當關羣客可以謝我

其陳蜉蝣歟蒙頭不出舍書卷盡情翻衣冠終日卸平生所著述往往趁此暇可奈正憑欄秋隨一葉下 女媧搏黃土濛濛沙塵飄百千億萬年回轉無停鑣而我生其間泰山一鴻

毛雖則一鴻毛矜矜頗自豪三十早歸田二十早登朝在邦無怨尤在家無喧呶逢花皆采折無山不遊遨李杜韓歐蘇相逢足解嘲官或比我尊壽都輸我高誰是七十翁握筆猶嘐嘐 凡才欲其大凡志欲其小才大事易辦志小量易飽譬如挽強弓我力十石餘情願

挽九石其氣恬以舒君看韓彭輩不如滕與薛更看袁公路不如黑山賊阿斗與黃奴以懦全其生李志與曹蜍以庸傳其名 一見動相慕未見早相惡問其所以然有緣無緣故

緣法苟未終臨死補一面如其無緣者抵死不相見豈徒今人哉於古亦如此或佞我愛之或賢我不喜緣之所由來其中豈無因知者其天乎板板偏不言 寶融在河西光武欲

招之適融遣使來彼此歡不支隗囂亦遣使中途被讐殺遂致生釁端彼此兩不察其一富終貴及其子若孫其一勤干戈禍至滅其門其時佛未來緣法已如此佛因敷衍之曉人當

如是 宋儒談性理漢儒談典章或疑尙書僞或道周官亡聚訟數千年長夜無燭光我

聞沮渠遜言人浮海洋親見孔聖人絃歌聲未央七十二弟子羅立自成行何不往詢之所苦無舟航傷哉觸觸生捕影枉自忙雖有記事珠不如返魂香 有心積陰德殊非高士

懷而況讀堊經貪鄙尤可哀古有端木叔六十而散財彼豈真老悖不念子孫哉實見身後事非我所安排宣尼大神聖晚年伯魚災昭王溺於楚成康非禍胎看破此機關浩浩與天

明月

偕出門不選日入廟不持齋陰陽非所忌仙佛難我給隨雲去處去隨風來處來

幾時有問天天不知縱云有開關開關始何時往往眼前事考究無窮期與其張目想兀兀

發狂癡不若合眼眠一笑姑置之少年愛讀書硤硤守章句衰年愛讀書消遣領其趣

雖然讀輒忘過眼皆吾有書味在胸中甘於飲陳漢有符節郎請發不韋墓謂是秦

火前所藏多竹素求書至發冢早被莊周譏我意覺可惜發或竟得之不見陳伯茂曾發

曇墳大獲右軍書幅幅生烟雲鋤地得寶者斷非望氣掘世世出公卿不聞謀吉穴彭

鏗壽最長何曾談服食百戰百勝將兵書字不識天之所付與不必人營謀何苦蚩蚩氓奔

如燒尾牛知進不知退力欲爭上流豈無烘開花一開花已休代公未遇時盜鑄略人口及

其成大功黃龍且授首國餐寶懷貞無恥衆所訾及其簿錄日俸外少餘資盧杞亂天

下家無妾媵妍杲卿大忠烈乃索花粉錢寄語腐儒輩觀過于其黨放開眼界寬流覽史書

廣劉誠允善飲苦無酒伴陪或薦一軍校可以千百杯問其量何如曰醉不敢放愈到沉酣

時愈作謙謹狀劉乃笑搖頭此未足爲量凡事一改常識者所不尙嘉祐頒陣圖德用

諫不可道兵貴神速泥古恐相左錢乙善醫疾往往心忖量道是病萬變不可拘古方觀此

二公言可悟作文術提筆學化工一味活潑潑貪生學仙少畏死學佛多生死兩相忘

仙佛如余何我道佞佛者其人必詔諛未知靈與否尙向木偶趨奚況權貴門炙手可熱歟

邢尹一相見涕泣服其美賈充郭夫人見李屈膝矣青蓮服崔顥不敢再題詩李邕愧

劉蕡登科願讓之眞美人才子大抵心多虛木虛爲琴瑟竹虛爲笙竽後代妄庸人不肯爲

人下山膏形如豚厥性但好罵侂冑魏公孫並非宜寺流伐金雖賈禍志在復國仇偶

作南園記思擬畫錦堂不喜鄭棫作而慕放翁名出其四夫人玉手擎杯觴下土肯如此便是爲善資毋怪放翁作勤懇加規詞一朝事機失頭顱敵國塋士論羣吠聲放翁名節喪豈知論成敗所見尤卑庸符離大喪師謀者張魏公何以不加誅人異事則同太邱弔張讓不失爲君子一切苛刻論都從宋儒始 青耕能禦疫跣踵好降災窮奇見善去鮭觸魍邪

來物性大不齊人性亦參半所以孔子言上智下愚判子輿道性善學孔翻孔案 漢有崔子玉隨官塋洛陽唐有辛藏之亦塋萬年鄉道死果有知吾豈守墓者如其死無知枯骨何取捨我意亦如此隨園旁起墳雖學嬴博達終愧首邱仁 報德必以德聖人有明言

宋人獨反之攻擊先恩門魏公薦王陶陶劾其縱恣歐薦林之奇林發其陰事允文薦蕭杲杲乃首疏彈旁有朱晦翁嘖嘖加贊嘆嗚呼報施絕忠孝何由來且冷朝士心何人肯愛才惟有范文正大賢獨多情一受元獻薦終身稱門生 屋造鼠卽至池開魚卽生問其所

由來蹤跡不分明大抵天地間氣化先形化青甯程馬間生生相代謝洪荒無匹偶人類自萌芽伊尹生空桑詰汾無母家 人言晚景佳恰比少時好我意道不然行樂還須早譬

如美衣裳少艾可光軀老雖著金紫不稱白髭鬚又如美飲食壯佼不嫌多及其旣衰矣未饜腹已皤我少雖好學無力購書看而今眼昏花萬卷徒空攤又嘗思窈窕貧莫能致之而今作枯楊生梯亦可嗤所以徐謬言人生壽七十生長富貴家一日抵兩日

夢遊淡巖石上鐫此四句

一回開闢一乾坤物換星移日日新盤古如麻朝玉帝不知誰是領班人

題鄒若泉牧羊圖

白草黃沙望眼迷荒荒落日雪山西羣羊似解孤臣意翹首南雲一剪齊
最超鄒生粉本更親描擬教添個蘇卿婦幾點胭脂染節毛

李迪丹青筆

誰家

誰家低唱玉瓏玲流管清絲夜不停一曲歌終人二世那堪頭白客中聽

哭陸朗夫中丞

持節長沙有正人泊舟野叟謁清塵誰知望重蕭夫子早識風流賀季眞傾蓋未消衡嶽雨
停春已失楚江春傷心萬里西征賦爲了三生一見因

栽樹自嘲

七十猶栽樹旁人莫笑癡古來雖有死好在不先知

哭蔣心餘太史

西江風急水搖天吹去人間老謫仙名動九重官七品詩吟一字響千年空中香雨金棺
掩帳下奇兒玉笋聯如此才華埋地底夜深寶劍恐騰烟君家花裏別君時君起看花
力不支四三月一慟自知無見理九原還望有交期應劉並逝空存我李杜齊名更數誰教作
藏園詩稿序已成未寄倍淒其

自驚

蕭蕭落葉滿階庭冉冉流光老自驚世事過來惟有夢古人一去總無聲千年仙鶴歸何晚
兩個金丸打不清悟得輪回文字孽張衡纔死蔡雍生

哭章公子

傳來消息滿城悲玉樹凋傷第二枝心力豈緣書局盡姓名已受聖人知公子纂修四庫書議敘員外

蘭方飲露花先隕鶴正凌霄翅忽垂從古天心忌才子不教終買鬢如絲跋扈飛揚氣

絕羣偏於野叟最殷勤每吟佳句先呈我豈料衰年反哭君賴有舒祺延弱息更無阿鶩嫁

秋雲而翁倘作西河慟莫遣堂前大母聞

香亭卓薦後欲賦遂初忽以前任霍邱事鐫級聞其歸舟已過峽江喜而有作

聽說君歸喜欲顛更聽君到峽江邊去官難得因微罪行樂公然尙壯年骨肉兩家人健在

星霜五載夢纏綿開牕屢探春風色月照荊花影又圓代謀精舍老身忙硯北溪南費

酌量陸賈裝雖無巨萬阿連居要有池塘水邊斑管高吟處竹裏棋枰小戰場准擬安排來

告汝白頭一笑共扶將端江作別淚交流那料重逢歲兩周雲路似君真可惜風帆依

我竟須收大府出考語甚佳門前五柳心思種海上三山浪打舟天意玉成知感召好燒紅燭夜同

遊從此青溪水不寒高風六代有人攀陸機文史東西屋何點琴尊大小山棠棣花雖

兩處種桃源門可一家關唐生相我言如驗五載猶能作往還相士胡文柄相余六十三歲得子壽七十六其一已驗

袁郎詩爲霞裳補作有序

在粵東時袁郎師晉年十七明慧善歌爲吳明府司閹乍見霞裳推襟送抱苦不得

一露接再三謀得私約某日兩情可申忽主人奉大府檄火速鑿行郎不得留與霞

裳別江上涕如綆縈余思兩雄相悅數典殊希爲補一詩作桑間濮上之變風云

珠江吹斷少男風珠淚離離墮水紅緣淺變能生頃刻情深誰復識雌雄鄂君翠被牀纔疊

苟令香爐座忽空我有青詞訴眞宰散花折柳太匆匆

騎牛

騎馬上林街騎鶴揚州市平生兩願都已償惟有騎牛身未試竭來鄉間逢水牛相牛之背笑不休此是人間安穩處七十老翁有所求呼僮扶上不施鞭牛亦相憐身不動雨笠烟蓑汝慣馱褒衣大袒母乃重鞭之不前行徐徐此牛腹中似有書聽之黃鐘滿脰鳴此牛曾否三犧生可見世間萬事學難了騎牛未必牛道好但願他生一日作牧童絕勝終朝牽鼻爲三公

穀雨雪

重陽雪穀雨雪兩年下雪非時節菊花秋草尙禁寒海棠嬌紅定愁絕老農老圃爭致詞春行冬令非所宜各持天官書一册按歷書雲占驗之我道萬事總憑天作主無心成化本如許若教板板循規矩天不作天讓與汝

女弟子陳淑蘭窗前開紅蘭一枝遣其郎君鄧秀才來索詩

佳話傳來鄧十郎金閨蘭草作紅妝想因燕姑梳頭處偶灑臙脂水數行
十年辛苦國香裁消息曾無一朵開今日徵蘭芳訊到紫瓊宮裏有人來鄧未子名重針神遠近聞同心同臭有夫君好將一穗紅心草繡向瀟湘六幅裙

端陽

黃鶯聲裏泛蒲觴今歲春光太覺長七十一年人未見滿欄芍藥過端陽

檢書圖爲盧抱經學士題

他人借書借而已君來借書我輒喜一書借去十日歸缺者補全亂者理君言檢書性所嗜

精比揚金細擇米獲一義勝眞珠船剖一疑如桶脫底康成寸策非八宗晉師渡河豈三豕
倫非古本費研求訛以傳訛誰摭掎昌黎讀書先識字伊川凡事求其是胸中秉此二義行
點畫偏旁究原委當年簪筆侍青宮曾繪此圖呈 帝子饌斥邪蒿寓訓詞官名正字存微
旨至今七十已懸車猶日孳孳勤不止摩研編削宵秉燭綠字朱文堆滿几非爲三教纂珠
英定替六經作奴婢我聞古人老好學操夸孤與伯業耳更有南朝沈麟士八十手鈔八千
紙君今神勇欲過之直以邱墳當藥餌我愧賈山徒涉獵鉅劄苛碎愁欲死偶質所疑廷撞
鐘大鳴小鳴應聲起也思北面就經師可奈頽光剩無幾他年文苑縱濫登儒林一傳君先
矣

撫孤行爲畢尙書作

我聞郭代公四十萬縉脫手空又聞魯子敬指千囷粟作投贈此皆周恤生前朋不如畢尙
書待死友有深情諸公聽我撫孤行 一解 新安魚門子姓程字蕺園平生著述千萬言重仁
襲義人稱賢只有作家二字天性短玉卮無當不能盛一錢食翰林俸逋負如山長髯拂拂
兩眉皺急走西方求佛救 二解 彤彤徂暑乘舡棧車烈火燒其心炎風炙其軀行年六十胸
煩紆望見畢尙書當作菩提如尙書迎入南衙居只道故人來不圖新鬼俱奄然一病遽委
化瞑目而去片語無 三解 尙書親視含殮泣下數行桐棺爲藉幹袒免爲服喪三桃湯五穀

囊一一布置加周詳柳絮駢羅羽葆輝煌送歸靈輜白下葬旁人嘖嘖相誇張道如此異鄉

死哀榮勝故鄉

四解

死者樂矣生者哭矣孤兒曾曾無棲宿矣尙書聞之又買屋矣可奈尙

書官大梁孤兒居建業昏夜乞水火鞭長莫能及魚門平日交滿海內空紛紛誰管東里西

華冬日猶衣葛練裙如枚百輩何足數只能代爲躡足仰望高天雲

五解

闐然明駢千里來

黃金百鎰光體體交與桐城俠士章淮樹替主進替營財但許取子不取母十年以後交兒

手六解

七月二十四日隨園風和章公挈孤兒載酒相過作畫紙券唱得寶歌頃刻金城千

萬丈憲子嫋嫋得依傍

七解

滿堂賓客額手再拜不信當今古人尙在一叟無言搔白頭招

阿遲來笑不休而翁縱死汝無憂汝不見畢尙書風義高千秋

八解

重宿棲霞感懷往事賦贈墨禪上人

憶甲戌春遊攝山荒厓絕磴窮躋攀琳宮尙少金泥色古徑多生苔蘚斑歸將山景繩其美

望山使相聞之喜擬割蓬萊左股來當作人才獻

天子拜表

丹墀請六龍經營慘淡召

諸公石從地底搜雲片泉引天河下碧空朱雲善畫

龍鑑

莊周巧

經畬

潘令栽花

潤

摩詰掃

發桂

更有徵歌置酒人桃花潭水汪倫好

楷亭

賤子從公幾度來旌旗隊裏一芒鞋諸天月

落猶分韻萬木霜明更上臺果然

聖主鑾輿到一遊一豫

天顏笑松聲有意學嵩呼石

佛無言作前導相公三次展經綸奪取西湖放寺門彩虹明鏡三千丈手折青蓮奉

至尊

一朝入贊黃扉務猶自停驂來此處雪泥鴻爪認前因馬亦驕嘶不忍去此事於今廿載餘

白頭重到舊人無黃公壚在山河遠東霸城高銅狄孤剩有墨禪師一個與談往事淚同墮

今爲長老昔沙彌眼中無數浮雲過攜手香臺處處遊滄桑萬種說因由青山也似人衰老

白鹿泉乾水不流

白鹿泉今無覓處

哭江蕉哇太守

纔送花驄過石橋遽騎箕尾上丹霄吟詩雅欲追唐代作吏眞能報 聖朝清俸一箱書畫

在生祠千縷佛香飄襄陽片石江隄柳多少蒼生淚未消君牧毫州作堤碑水客春賤
子病空山幾度蒙公走馬看古鏡過時偏肯照青琴舍我恰誰彈頻驚碩果風前落愈覺孤
花樹上難腸斷郎君鳳池客麻衣如雪下長安

霞心菴看桂贈月初上人

棲霞四面環中心一菴聳入門鳥無聲諸佛但葉拱不須施檀燒自有木犀擁樓窗開一角
金粟如海湧難將萬斛量恨不干手捧四野黃霧塞六時異香壅氤氲染衣裳熏炙入毛孔
老僧尤多情煨栗相矜寵新雪落紛紛舊話談種種笑我七十翁晚歸心輒恐且辭月宮還
殘花雙袖攏

寶華山

山門一路松直上寶華峯銅殿風霜古經臺草樹封律嚴齋鴿靜香散佛雲濃羣鼠都持戒
來聽午後鐘華山鼠不避人晝行夜伏

棲霞古松無故自萎者甚多

千年古松葉四布一朝禿立不知故老幹雖招雷火焚殘枝尙在蛟龍怒意欲人間作棟梁
不貪冷處飽風霜甘心絕代擎天手付與樵夫說短長

哭家漁洲

年年蘭槳泊楓橋爲有吾家小阮招竹裏鶴留賓一榻窗前花勸酒三蕉同揮玉塵邀詞客
沙斗代製金釵餉阿嬌此日思量如隔世碧天雲散雨瀟瀟今秋正擬續前緣豈料山
河竟渺然一紙計來眞膽落九原人去未華顛芸香空掩三千卷錦瑟誰彈五十絃賴有季

小倉山房詩集 卷三十一
方賢弟在好扶雛鳳上雲烟

憎蠅

深秋醜扇尙紛紛偶據高柯自道眞枵腹可曾餐墨水惡聲偏欲擾詩人神昏不附追風驥暑退能留幾日身辜負天教生羽翼枉鑽窗紙費精神

八月二十八日出遊武夷

半生夢想武夷遊此日裁呼江上舟山抱文心傳九曲水搖花影正三秋神仙半面何時露錦幔諸君識我不擬唱賓雲最高調支筇直上碧峯頭

夜泊江山聞鄰舟有談鬼者揖而進之

夜船正寥寂聞客談齊諧知是鬼董狐揖而招之來客亦大欣然搖唇萬鬼集頃刻燈光青寒風射窗入天地亦大矣陰陽相乘除于寶莫道有阮瞻莫道無謝客眞多情贈我勝絲竹得聞所未聞平生有耳福

過仙霞嶺

乍上仙霞嶺遙山漸莽蒼梯田高下種環水往來忙峽束人如小雲封路覺長輿夫先斂足取勢作低昂亂竹扶人上蒙茸但見烟千盤難度鳥萬嶺欲藏天古樹擎雲健重門鑄鐵堅分明兩戒外別自一山川

從浦城新鄉起行六十里宿勢口一路山勢奇險是武夷之先聲

簇簇青芙蓉對面開千朶頗似武夷君著渠來迎我有時形突兀雲中插箭筈有時盛盤紆長眉鬪婀娜遙青與天分近綠將人裹陵上更援下斷右忽連左灘聲萬雷奔松竹一亭鎖

遠望樹深處茅蓬起烟火心忖是何村今宵安歇可

漁梁道上作六絕句

一過仙霞兩耳無人聲都變鳥聲呼客中只與雞談好慚愧當年介葛盧 遠山聳翠近

山低流水前溪接後溪每到此間閒立久採茶人散夕陽西 山腰逼仄小車停竹作長

籬樹作屏遠望自家行李過畫來都是好丹青 荒村小店歇征鞍上漏旁穿板壁單回

首洞房金鴨暖夜眠却也一般安 劉郎才思本縱橫遊過名山氣倍清得句榮於得科

第急奔車下報先生 初笄蠻女髮髻髻折得溪頭花亂簪一幅布裙紅到老不知人世

有江南

崇安署中觀清獻梅

一樹偶然種千秋諡法加人皆思往哲天亦重孤花北宋風霜古南枝骨幹斜對君吾欲問

琴鶴在誰家

夜告閣

事苦無人告朝朝告碧空香焚高閣上天在此心中有感雲皆散無言聽愈聰是誰瞞得過

吾欲問崖公

到武夷宮望曼亭峯作

武夷宮前多古樹參天蔽日杳無數我來可惜宮殿荒冠帔眞人多暴露一峯孤撐號曼亭
其下戍削上隆平想見帝臺千尺石傳觴一夕來仙靈八月中秋月正明武夷之君駕玉輶
招集鄉人童與叟開口曾孫喚某某過來多少事茫茫今宵且盡杯中酒招英妃兮鼓琴命

妙容兮擊鼓手製雲霞羹
七夾麒麟脯雲璈水瑟數聲來
白鹿蒼龍一齊舞羽換宮移曲漸
終五更玉漏響丁東唱到人間可哀曲
湘絃齊斷月明中香風忽起彩霞捲羣仙去矣歌聲
遠牽衣兒女盡哀號雲馬風車不可挽至今小別二千年石上蒼苔鳥跡滿吁嗟乎君兮君
兮胡爲不再來豈不知望斷人間更可哀

試茶

閩人種茶當種田鄰車而載盈萬千我來竟入茶世界意頗狎視心道然道人作色誇茶好
磁壺袖出彈丸小一杯啜盡一杯添笑殺飲人如飲鳥云此茶種石縫生金蕾珠蘂殊其名
雨淋日炙俱不到幾莖仙草含虛清採之有時焙有訣烹之有方飲有節譬如麴蘖本尋常
化人之酒不輕設我震其名愈加意細嚙欲尋味外味杯中已竭香未消舌上徐嘗甘果至
嘆息人間至味存但教鹵莽便失真盧同七碗籠頭喫不是茶中解事人

從大王峯下乘舟入溪探九曲

溪南溪北山連連一曲二曲水盤旋三姑相送疑玉女長城高障如鐵堅有臺不知誰放鏡
有架不知誰挂冠有竿不知誰作釣有槳不知誰拖船紅板橋名更奇絕長椽短杙相連牽
分明堆架在巖穴何以不朽不墜千萬年疑是開闢以前乾坤壞此木逃出劫灰外又疑堯
時洪水災人民居者巢猶在兩說紛紛世所疑唯唯否否姑聽之老身但願化猿鳥飛騰而
上攫數枝可奈一波迎一波拒盤渦急浪來無數篙工只好隨波去扁舟小泊尙艱難何況
中流作砥柱

難水迅急篙工負舟而行余立石上相待

山似不許水脫逃多生怪石闌波濤水又怒石作阻撓終朝衝突聲呼號左騰乖龍右起蛟
儼若格鬪三軍鑒馮夷列陣氣勢驕舟人一手難兩篙只得赤脚淩滔滔負舟於背作擔挑
滿艙盤盃齊動搖我時獨坐浪打額游興忽被性命迫舍舟而徒登絕壁宛然鷗鳥立一隻
帶濕搜毛風拍拍呼船速上來相逆千峯萬峯氣太逼遲恐老身化作石

登天游一覽樓覽武夷全局是夕月明如晝

千峯壓地地無縫三峰插天天欲動金鐘大鏞碧空墮醜犀怪象八蠻貢相角相倚洛蜀黨
半伏半走鄒魯闔重重奇景散若麻天游一亭聚其衆武夷山脉多紆緩到此鋪張勢忽縱
我坐兜籠門外來松柏排青夾成街三步一休頭仰看兩足騰雲身忘重羽衣道人下相揖
灑掃高軒設清供正逢明月挂前峰手指金丸請客弄水精盤裏漾青螺銀海光中走白鳳
翠撲鬚眉影欲飛唾落九天風爲送果然化人解乘虛豈止張鸞能鑿空酒酣茶罷榻上眠
魂抱萬山同入夢吁嗟乎人生不遠遊如雞伏甕中果能窮宇宙自可豁心胸我今一笑告
諸公此來不負遠行二千里此山不負婆娑七十翁

從金雞寨入小桃源

一聲金雞鳴滿山白雲起忽然絕壁開走入雲中矣其間別有天草屋相橫排稻是百餘畝
催租無官差四面山環之鳥飛不能上一二野人居有如麋鹿放可見世界海尙藏太
古春何必陶彭澤思訪避秦人

至伏虎巖徧歷險怪憬然有悟

世人談虎輒色變我忽見虎目亦眇青天盡被怪峰割猛獸欲同奇鬼戰更有虎舌重萬鈞

手搖輒動雷聲聞高懸萬古不輕落此中奇理難具論我記兒時好鎔錫戲投水中皆壁立如臺如閣如峰巒亦復膠粘不畝仄苟明此理山亦然借此疏解何疑焉混沌未分水沙合元黃已判氣脈連偶然高下若鑄就非由人力非由天可惜天形大人形小山壽長人壽天以致滄海桑田變化時不能在旁張眼看分曉遂覺化工有意鬪姦巧假使有生無死壽若毘鷲王翼若萬里垂雲金翅鳥看見乾坤開闢兩三回又能頃刻飛翔周八表自然一切仙船石匱虹板橋原委由來都了了

在舟中回望天游一覽樓已在天上

一樓高立萬峰巔遠望迢迢在半天昨日幸儂樓上住不然還道住神仙

草鞋嶺觀仙蛻手按之頭尙搖動

神仙蛻骨傳張徐峰高梯朽路莫踰只有草鞋嶺上仙真身未化形瞿瞿道人引我至彼處溪攢石簇途煩紆我乃跼足鼓勇上果有石洞如瓜廬洞中一隻魁踞坐非漆非土非皮膚叩之橐橐作聲響筋骨雖有眉鬚無齟齬殘齒牙腐雙眸垂下元珠枯我思精神天所有鋒隨刀盡歸空虛鬱茲枯腊遇好事裝飾凶穢驚庸愚聖人六經尙糟粕何況區區恆榦歟何不束縛瘞邱壠化臺兩字顏其墟仙雖不言如解語風吹頸動搖頭顫

引路者云杜轄砦最險是前朝屯兵處攀援而登讀壁上吳中立碑記不覺失笑

天形蕩蕩寬到此忽然狹是誰造方城礮礮四面夾我懼作虎兇一束難出柙又恐化寶劍被人裝入匣洞雖分上下勢總環匝匝前賢碑記存細字可摩挲杜者杜塵緣轄者轄石硤云此讀書佳烟雲供吐納如何詢土人謬以屯兵答中塑杜將軍持刀披金甲拾遺訛十姨